

全上古三代秦漢三國六朝文

全後周文卷十

烏程嚴可均校

庾信三

爲閭大將軍乞致仕表

臣某言臣聞禮云大夫七十致仕于朝傳家于子膳則貳珍衣稱時制臣自出身奉國四十餘年遭遇風雲從微至著太祖文皇帝扶危濟難奄有關河臣實無堪中涓從事自洛食風塵河梁旗鼓華陰有白馬之兵河曲有黃沙之陣臣雖用命不能奇策功薄賞厚因人成事恩澤年表常曰愧心仰逢周朝臣揖讓登庸謳歌受命主貴臣遷頻煩榮寵三槐呂鑄鼎象物知其神姦五等臣桓珪飾瑞守其宮室臣曰何德兼而有之況復水土之職王梁臣應讖受徵兵戈之王韓信臣登壇獨拜語其連類臣又何人當今四海未寧三方鼎峙陛下勞心之日羣公展効之秋而臣甲子既多耄

年又及、無參賓客之事、謬達諸侯之班、尸祿素餐、久紊彝典、負乘致寇、徒煩有司、加已寒暑乖違、節宣失序、風水交侵、菁華已竭、雖復廉頗強飯、馬援據鞍、求欲報恩、何能爲役、榮啓期之樂、適足自貽、燭之武之言、無能爲也、特乞解所居官、言從初服、事符骸骨之請、非謀几杖之賜、若臣北陵移病、東臯歸老、山河茅社、一反司勳、公侯珪璧、還封典瑞、則朝無冒位之人、臣免妨賢之責、虞氏養老、敢希東序之榮、周朝如荼、豈望西郊之禮、但瞻仰天威、方違咫尺、徘徊城闕、私增悽戀、不任知止之情云云

文苑英華
六百三

代人乞致仕表

臣遡言、臣聞一葉將隕、寧待于風露、百川皆到、自竭者潢汚、臣輒感之、已悲已咽、臣某中謝、臣仲春之末、舊患漸加、雙足頗蹇、四支不利、扶步有邯鄲之失、勉視無離婁之明、安可率此畱務、涸竝恆典、陛下恩周曲成、未忍捐棄、微臣困至于亟、轉不堪勝、臣所自自

咎自傷、淚繼之血。臣某中謝。臣特承先緒、進不因人。陛下憫臣無用、舉直而有愆。自奉詔太極、宣綽中書。陛下收臣于一心、任臣以獨掌。九年冀登宰輔、八歲載踐宗伯。出擁千旄、入參衡鏡。或雲臺之上、微臣預疇咨之旨。或日觀之下、詔臣操刊勒之文。美而暘之。臣實尤忝明憲、不敢以纖負玄造。竟微于滴助。口口口口口口口。其如冰炭交集、誠懷伏已。前陪政事、親荷德音。謂臣等經侍軒墀、子孫尚延保護。臣荷螻蟻、猷戴丘山。臣宜生亦盡命、死且陳力。竊不知終而不知止、朝列三數、與臣同儕。臣未六十、推臣則幼。獨臣彌當頓領、病不俟年。盈量窮涯、滿而招損。逾時每乖于勿藥。永日猶繫于苞桑。覽分必然、貪榮所忌。伏乞免臣見職、退畢餘生。察臣榮不可支、矜臣分不能強。迺臣之幸也。豈悟仁壽之闡、有此一時。承明之廬、無緣再謁。心神已瘳、晷刻增悲。叨睿鑒則多士莫先、違聖顏則小臣何遠。惟冀三條啓道、萬乘巡京。愧西怨之羣黎、逮

東封之從者危魂倘駐枯骨如存是臣之愜非臣所望臣又聞驅
奔效駕先輟于羸駘翔集賀成近遺于鐵關彼常知暮而況臣哉
臣未遑請臣之懇戀至于際官臣合書罪無任戰慄懇結之至

文苑

英華六
百三

爲齊王進蒼鳥表

臣某言臣聞飛南陽之雉尙闡霸圖下建章之鵠猶調和氣況乃
虞庭告瑞姬社呈祥咸高識哺之心實貴能知之性伏惟皇帝陛
下德教百姓孝刑圓海攝提從紀天下文明是已東海輸禽乍改
黔質西山度羽或變蒼精臣去月三十日行到陝州獲大都督莫
仁回樂列稱于州射堂內見一蒼鳥林薄回翔循環不去駐乘木
之精轉司風之翼卽召儀同某甲等同時觀見斯實禮敬所覃孝
慈之感理宜歸瑞祕圖書祥帝冊用光至德取效升平無令赤鳳
畱止偏爲瘞玉之歌玄鶴徘徊獨擅銜珠之舞

爲齊王進赤雀表

臣某言、臣聞南陽雉飛、尚論秦霸、建章鳥下、猶明漢德、當今天不
愛寶、地必呈祥、自應長樂觀符、文昌啟瑞、伏惟皇帝欽明文思、惟
已勛勞成務、脉象日月、允釐百工、海水無波、天堯不動、去四月十
三日、獲隴右符府參軍李暉牒、附戶屬秦州清水郡伯陽縣文谷
林在家庭獲一赤雀、光同朱鳳、色類丹鳥、降火飛精、似入公車之
府、流金成製、若上凌雲之臺、謹案赤雀銜書、止于鄆丘、周之受命
興乎此祥、卽事所觀、同符合契、實可圖形瑞譴、書頒儒林、事足成
堂、名堪紀號、豈直雲中太守、見赤心之奉主、蓬萊童子、知白環之
報恩、臣等預觀休徵、情迫恆慶、不任鳬藻之至、文苑英華
六百十二

進象經賦表

臣某言、臣伏讀聖製象經、并觀象戲、私心踴躍、不勝忭舞、伏已性
與天道、本絕尋求、直已懸諸日月、遂獲瞻仰、九州既奠、近對河圖、

四轍中繩、全觀玉策、未飛玄鶴、先聞金石之聲、不上赤城、獨見煙霞之氣、置管而測、光景愈高、沈玉而觀、淵泉益遠、寢不自涯、課虛爲賦、詞非寥亮、學無雕刻、遂敢陳述、誠爲厚顏、況復日之遠近、本非童子所問、天之渾蓋、豈是書生所談、冒用奏聞、伏增流汗之至

文苑英華
六百一十

爲齊王進白兔表

臣聞輿圖欲遠、則玉虎晨鳴、轍迹方開、則銀蟾入貢、伏惟陛下明
明在上、翼翼居尊、德動天關、威移地軸、是弓風煙照燭、毛羽禰祥
史不絕書、府無虛日、臣受服元戎、用綏邊鄙、轅門所屆、始次熊山
前茅、慮無乃獲白兔、光鮮越雉、色麗秦狐、月德徵符、金精表瑞、呈
祥興頌、效異披圖、尊敬之迹、旣明、應事之機、斯兆、臣之龔行、實從
陝略、瑞已素質、彌雄西氣、庶重承廟算、方事申威、揜代偃齊、分韓
裂趙、不任鳧藻踴躍之情

文苑英華六百一十二又蘇文類
聚九十五引光鮮越雉四句

謝明皇帝賜絲布等啟

臣某啟。奉敕垂賜雜色絲布、綿絹等三十段、銀錢二百文。某比年
已來，殊有闕乏。白社之內，排草看冰；靈臺之中，吹塵視甕。慰妾很
妾，既嗟且懼；瘠子羸孫，虛恭實怨。王人忽降，大賚先臨。天帝錫年，
無踰此樂；仙童贈藥，未均斯喜。張袖而舞，玄鶴欲來；撫節而歌，行
雲幾斷。所謂舟楫無岸，海若爲之反風；薺麥將枯，山靈爲之出雨。
況復全抽素匱，雪坂疑傾；併落青鳬，銀山或動。是知青牛道士，更
延將盡之命；白鹿真人，能生已枯之骨。雖復拔山超海，負德未勝；
垂露懸針，書恩不盡。蓬萊謝恩之雀，白玉四環；漢水報德之蚨，明
珠一寸。某之觀此，寧無愧心；直曰物受其生，于天不謝。謹啟。
文苑英華

六百五十五

謝趙王資絲布等啟

某啟。鄭叡至，蒙賜絲布綾等十段。王褒至，又蒙許賜錢等，望外之

恩實符大賚非常之錫乃溢生涯曳練且觀無勞白馬之望流泉
欲委佇見青鳧之飛楊池掘荷李園移樹既欣谷利彌思青木一作
井陳畱下粟有愧深恩操陽雨金翻慚曲施靈臺久客從此數炊
黍谷長寒于今更暖從雲夢之思不踰此樂得豐城之劍未均斯
喜謹啟文苑英華六
百五十五

謝趙王賚絲布啟

某啟奉教垂賚雜色絲布三十段去冬凝閉今春嚴勁霰似瓊田
凌如鹽浦張超之壁未足鄣風袁安之門無人開雪覆鳥毛而不
暖然獸炭而逾寒遠降聖慈曲垂矜賑諭其蠶月殆罄桑車津實
秉杼幾空織室遂令新市數錢忽疑販絲平陵月夜驚聞擣衣妾
遇新練自然心伏妻聞裂帛方當含笑莊周車轍實有涸魚信陵
鞭前元非窮鳥仰蒙經濟伏荷深慈謹啟文苑英華六
百五十五

某啟某息苟娘昨蒙恩引曲賜絲布等五段南冠獲宥既預禮延

稚子勝衣還蒙拜謁關尹津梁之織鄴地雙絲扶風彩文之機仙
園獨聖青衿宜襲書生無廢學之詩春服既成童子得零沂之舞
況復栖鳥挾子同知桂樹之恩澤雉將雛共喜行春之令根株一
間枝葉俱榮謹白

文苑英華六
百五十五

謝趙王賁白羅袍袴啟

凱文類聚
白作阜

某啟垂賚白羅袍袴一具程據上表空論雉頭王恭入雪虛稱鶴
氅末有懸機巧絲變躡奇文鳳不去而恆飛花雖寒而不落披千
金之暫暖棄百結之長寒永無黃葛之嗟方見青綾之重對天山
之積雪尙得開衿冒廣廈之長風猶當揮汗白龜報主終自無期
黃雀謝恩竟知何日

凱文類聚八十五文
苑英華六百五十五

謝趙王賁犀帶等啟

某啟奉敎垂賚犀裝帶錢十貫魏君寶帶特賜劉楨趙王國租偏
資裴楷貫藏文馬如燒安息之銀帶插通犀似獵雲南之獸北郭

騷之長貧是所甘慙南宮敬之載寶殊非念望花開四照唯見其
榮釐戴三山深知其重昔沈義將盡逢司命而還生士變行埋值
仙人而更活今日慈矜斯之謂矣馬前驅而導路或似識恩雞未
曉而開關客能報主謹啟

文苑英華六
百五十五

謝趙王賚米啟

某啟奉敎垂賚米十石丹烏銜穗既集西周黃雀隨車還飛東市
漬而爲種不無霜雪之積取已論兵卽有山川之勢某陋巷簞瓢
櫛風沐雨剝榆皮于秋塞掘蟄蠶于寒山仰費國租遂開塵甑非
丹竈而流珠異荆臺而炊玉東方朔之捧米既息長飢西門豹之
墾田方慙此賚

魏文類聚七十二文
苑英華六百五十五

謝趙王賚乾魚啟

某啟蒙賚乾魚十番醴水朝浮光疑朱鼈文鱗夜觸翼似青鸞況
復洞庭鮮鮓溫湖美鯽波瀾成雨鱗甲防寒某本吳人常想江湖

之味及其飢也唯資藜藿之餘慈資派恩膏映流寵不勞獅子之
亭卽勝雷池之長翻驚河伯獨不受人足笑任公終年垂釣謹啟

文苑英華六
百五十五

謝趙王賚雉啟

夏翟秋飛江肇春淵中牟縣之客遂得坐觀賈大夫之妻已應含
笑仰費中廚來供下客山川道遠口腹知恩款文類聚九十

謝趙王賚馬并繖啟

某啟奉敎垂賚紫驪馬并銀釘乘具紫油繖一張上天降雨特垂
深澤若水流光偏蒙私照迴茲翠蓋事重劉基之恩降此青驪榮
深李忠之賜北部丹帷便須高捲西河竹馬卽已郊迎在命之輕
鴻毛浮于弱水知恩之重篋背負于靈山沉復驚鴻別水但見徘徊
黃鶴去關唯知反顧悽戀之心事同于此文苑英華六
百五十五

謝滕王賚巾啟

某啟奉教垂賜鹿子巾一枚解角新胎戴藤初孕落星交映連珠
疏點盤龍之刀既剪長命之縷仍縫翠羽懸推芙蓉高讓遊斯隱
士足笑鼓皮入彼春林方誇筍簪某蓬鬢鬆颺衰容耆朽三秋不
沐實荷今恩十年一冠彌欣此賚謹啟

文苑英華六
百五十五

謝滕王賁馬啟

某啟奉教垂賚烏騮馬一匹柳台未開翻逢紫籙臨源猶遠忽見
桃花流電爭光浮雲連影張敞畫眉之暇直走章臺王濟飲酒之
歡長驅金埒謹啟

藝文類聚九十三文
苑英華六百五十五

謝滕王賁猪啟

某啟奉教垂賚肥豕一腔白腹見珍度遼東之水亦關爲重對襄
陽之城忽降全恩謹充炮烙孫弘牧于溜水唯呂求錢卜式養于
上林豈知其味謹啟

文苑英華六
百五十五

謝滕王集序啟

某啟伏覽制垂賜集序紫微懸映如傳闕里之書青鳥遙飛似送
層城之璧若夫甘泉宮裏玉樹一叢玄武闕前明珠六寸不得譬
此光芒方斯照燭有節有度卽是能平八風愈昌愈高殆欲去天
三尺殿下雄才蓋代逸氣橫雲濟北顏淵關西孔子譬其毫翰則
風雨爭飛論其文采則魚龍百變蒲桃繞館新開碣石之宮修竹
夾池始作睢陽之苑琉璃汎酒鸚鵡承杯鳳穴歌聲鸞林舞曲況
復行雲逐雨迴雪隨風湖陽之尉旣成爲喜之因舂陵之侯便是
銷憂之地某本乏材用無多述作加已建鄴陽九劣免儒礪江陵
百六幾從土隴至如殘編落簡竝入塵埃赤軸青箱多從灰燼比
年痾恙彌留光陰視息桑榆已逼蒲柳方衰不無秋氣之悲實有
途窮之恨是已精采舊醢頗同宋玉言辭蹇吃更甚揚雄一吟一
詠其可知矣好事者不求知音者不用非有班超之志遂已棄筆
未見陸機之文久同燒硯至于凋零之後殘缺所餘又已雜用補

袍隨時覆醬、聖慈憐愍、遂垂存錄、始知逾揚過差、君子失辭、比擬從橫、小人迷惑、荆玉抵鵲、正恐輕用重寶、龍淵削玉、豈不徒勞神慮、匠石迴顧、巧材變于彫梁、孫陽一言、奔蹏成于駿馬、故知假人延譽、重于連城、借人羽毛、榮于尺玉、溟池九萬里、無踰此澤之深、華山五千仞、終愧斯恩之重、卽日金門細管、未動春灰、石壁輕雷、尙藏冬蟄、伏願聖躬與時納豫、南陽寶雉、幸足觀瞻、鄴縣菊泉、差能延壽、伏遲至鄴、可期從梁有日、同杞子之盟會、必欲瞻仰風塵、共辭侯而來朝、謹當逢迎冠蓋、魚腸尺素、雁足數行、書此謝辭、終知不盡、謹啟

文苑英華六百五十六

謝趙王示新詩啟

某啟、鄭叡至、奉手教、累紙并示新詩、八體六文、足驚毫翰、四始六義、實動性靈、落落詞高、飄飄意遠、文異水而湧泉、筆非秋而垂露、藏之山嶽、可使雲霧鬱起、濟之江浦、必當蛟龍繞船、首夏清和、聖

躬怡裕、琉璃彤管、鵲願鸞迴、婉轉綠沈、猿驚雁落、下風傾首、已日
爲年、雖爲舍人、實有誠願、碧雞主簿、無由遂心、寂寞荆扉、疏蕪蘭
徑、驂駕來梁、未期卜日、遣騎到郡、希垂枉道、文苑英華八
百五十六

答趙王啟

某啟、仰承張幕、全韓連營、上地、掘池置陣、解鄧禹之圍、函谷開關、
削王元之印、鋒旗朝上、刁斗夜鳴、彌雄壯士之心、足起橫行之志、
況復才人出娉、還得賢夫、塞外有夫人之城、軍中有女子之氣、都
尉青旗、卽時春色、將軍大樹、已復花開、雲氣浮壘、流星汎枕、細舞
長歌、橫簫直笛、當乎此時、青雲之上、信不學無術、本分泥沈、忽逢
天造、搜揚側陋、今者遂總憲司、預聞刊鼎、獻歲刊書、旣應懸法、上
春木鐸、方須徇人、但年髮已秋、性靈久竭、嘉石肺石、無已測量、舌
端筆端、惟知繁擁、乖展一月、遂涉兩年、傾首東瞻、山河千里、風塵
未盡、霜露沾衣、仰願珍宜、已爲身寶、謹啟、文苑英華六
百六十五

荅移市教

昔張楷碩儒，尙移弘農之市，宜官妙篆，猶致酒壚之客，況復德總
邵周，聲高梁楚，希風慕義之士，舉袂成帷，臥轍反車之流，初學記
之人摩肩相接，遂使王充閱市之處，遠出荒郊，石苞販鐵之所，翻
臨涯岸，聖德謙虛，未忘喧湫，欲令吹簫舞鶴，還反舊鄼，賣卜屠羊，
請辭新闢，而交貿之黨好畱，幽岐之眾難遣，初學記二十四
移齊河陽執事文

下脫日字

周天和四年四月二十七，使持節車騎大將軍儀同三司大都督
陝西總管府移齊河陽執事，自疆場臥鼓，邊鄙收烽，義讓之行，未
能朞月，孔城誨盜，卽值苞藏，是已板載之師，須時而動，自安封域，
非求拒防，雖復風塵蹙，旗鼓無侵，五將卽迴，雙嶠已靜，始奉朝
旨，獲被移書，令受叛城，使迴軍實想彼邊司，已奉處分，既有此還，
輒須領納，未知何日，可遣戍兵，指附行人，遲能速報，盟且不渝，鄰

境相善、顧瞻原野、幸甚實多、故移

文苑英華
六百五十

周天和四年十一月十日、陝州總管長史梁昕移齊河陽執事、自
拭玉繼書、通關去傳、實謂上方銷劍、山陽息馬、故茲禦客、或慢重
局、屬彼司疆、陰行善盜、君一臣二、上穆下乖、國家已邊鄙心搖、須
固備守、大司馬齊國公、天子介弟、中軍元帥、駕馭孫吳、驅馳貔虎、
舉因農隙、義異城郎、師巡我境、曾非反軛、縮馘之畢、前旌已迴、彼
國兵馬、不防殿後、餘塵遂之相接、建旌壘上、未及五申、安鄴城傷
先驚七伏、常時鋒刃、或膏原野、所獲彼將、夏州刺史梁老首領、今
已相還、尸鄉不遠、無令久客、馬馳甲兵、具條相勒、封人宜依領納、
宿無闕志、不獲交綏、致此埃塵、誰階其咎、故移

文苑英華
六百五十

移虜畱使文

年月朔日、某官告配某州郡、前本欲發遣彼使、但某人境已來、國
祥甫邇、自秋迄冬、未申款接、且狼星表邦、嚴霜已戒、浮河亂濟、長

路苦寒時當獻歲惟祈三元告慶珪寶盈庭華裔參軫式觀盛禮
洽此嘉譴陽和既動澤漸萬邦便當遣使相隨永敦鄰睦故移文苑

英華六
百五十

爲梁上黃侯世子與婦書

昔仙人道引尙刻三秋神女將梳猶期九日未有龍飛劍匣鶴別
琴臺莫不銜怨而心悲聞猿而下淚人非新市何處尋家別異邯
鄲排應知路想鏡中看影當不含啼欄外將花居然俱笑分杯帳
裏卻扇牀前故是不思何時能憶當學海神逐潮風而來往勿如
織女待填河而相見裁文類聚
三十二

趙國公集序

竊聞平陽擊石山谷爲之調大禹吹笛

初學記
作笛

風雲爲之動與夫

含吐性靈抑揚詞氣曲變陽春光迴白日豈得同年而語哉柱國
趙國公發言爲論下筆成章逸態橫生新情振起風雨爭飛魚龍

各變方之瑤瑤塗山之會萬重譬似

初學記

雲霞赤城之巖千丈

文參麻象卽入天官之書韻涉絲桐咸歸總章之觀論其壯也則

鵬起半天語其細也則鷦巢蚊睫豈直熊熊旦上增城

初學記

層抱日月之光燄燄宵飛南斗觸蛟龍之氣昔者屈原

初學記

玉始于哀怨之深蘇武李陵生

初學記

于別離之世自魏建安之

末晉太康已來彫蟲篆刻其體三變人人自謂握靈蛇之珠抱荆

山之玉矣公斟酌雅頌諧和律呂若使言乖節目則曲臺不顧聲

止操縵則成均無取遂得棟梁文囿冠冕詞林大雅扶輪小山承

蓋

藝文類聚五十五
初學記二十一

賜進士出身二品銜廣東等處提刑按察使司按察使兼管驛傳事務高岡王毓藻校刊

全後周文卷十終

全後周文卷十一

烏程嚴可均校輯

庾信四

自古聖帝名賢畫讚二十七首

黃帝見廣成子

治身紫府問政青丘、龍湖鼎沒、丹竈珠流、與蘇文類聚作疏雲卽雨、落木

先秋、至道須極、長生可求、

蘇文類聚十七文苑英華七百八十

堯登壇受圖

登壇洛汭、沈玉河湄、丹圖馭馬、綠甲乘龜、榮光上幕、休氣連帷、雖

存克讓、終見文思、

蘇文類聚六十四文苑英華七百八十

舜舞干戚

平風變律、擊石來儀、先齊七政、更服三危、朱干獨舞、玉戚空麾、南

風一曲、拱蘇文類聚作恭已無爲、

蘇文類聚十一文苑英華七百八十

禹渡江

三江初鑿九谷新成風飛鷁涌水起龍驚樂天知命無待憂生危
舟遂靜亂楫還平

藝文類聚十一御覽八十
二文苑英華七百八十

湯祝解網

連珠兩起合玉雙沈穀爲祥樹桑成樂林三方落網一面驅禽德

矣聖政

藝文類聚作
德引行政

仁平用心

藝文類聚十二文
苑英華七百八十

武丁迎傅說

虞田路斷辭澗泉飛躬勞版築有弊韋衣賢臣入夢天賜無違干
巖之下遂得同歸

文苑英華
七百八十

文王見呂尚

言歸養老垂釣西川岸止磻石溪唯小船風雲未感意氣怡然有
此相望于茲幾年

藝文類聚十二御覽八十
四文苑英華七百八十

成王刻桐葉封虞叔

虞叔百里居河之汾帝刻桐葉天書掌文禮曰成德樂曰歌薰類聚天子無戲唐其有君苑英華七百八十

漢高祖置酒沛宮

遊子思舊來歸沛宮還迎故老更召歌童雖欣入沛方念移豐酒酣自舞先歌大風苑英華七百八十

漢武帝聚書

獻書路廣藏書府開秦儒出谷漢簡吹灰芝泥印上玉匣封來坐觀風俗不出蘭臺苑英華七百八十

袁盎諫文帝

千乘峻轍六轡危行跡迴松坂山糾柳城龍淵地狹華蓋風驚賢臣攬轡可謂忠貞初學記十七文苑英華七百八十

朱雲折檻

上書直諫有忤明君先求斬馬遂請魚文身摧欄檻義烈風雲應

從御史翻賴將軍

初學記十七文苑英華七百八十

周公戒伯禽

伯禽居魯鳴玉來朝周公問政治國

文苑英華作周公政治爲國

風謠北山有

梓南山有橋禮容雖備俯仰無驕

藝文類聚二十三文苑英華七百八十

五月披裘負薪

披裘當夏俗外爲心雖逢季子不拾遺金禽巢欲遠魚穴

文苑英華作沈

唯深清聲滅跡何必山林

藝文類聚三十六文苑英華七百八十

王祥扣冰魚躍

王祥之母鮮鱗是求冰連釣浦凍塞寒流精誠有感無假沈鉤二

老同膳雙魚共浮

文苑英華七百八十

孫叔敖逢蛇

叔敖朝出容悴還家母氏顧訪知埋怪蛇爾有陰德陽報將加終

爲楚相卒有榮華

藝文類聚九十六文苑英華七百八十

高鳳好書不知流麥

高鳳好學專心不迴流連經笥對翫書臺石門雲渡銅梁雨來麥

流雖遠書卷猶開

藝文類聚六十五文苑英華七百八十

張良遇黃石公

張良取履跪授無辭兵書一卷長者三期昔稱韓相今爲漢師穀

城餘石還歸舊祠

藝文類聚三十六文苑英華七百八十

師尚父授丹書

尚父一遇周王是親赤雀既下丹書已陳自論秉鉞長別垂綸獨

有礪石畱名渭濱

文苑英華七百八十

樂敘期三樂

樂期三樂唯人與年夫子相遇卽曰爲賢性靈造化高風自然雅

琴

藝文類聚雖古獨有鳴絃藝文類聚三十六文苑英華七百八十

夫子見程生

程生夫子一遇相知薄言傾蓋桑陰遂移清陽共美賢聖同羈陳

詩難別贈絹傷離

文苑英華七百八十

組麀見趙盾

趙盾將朝端衣整笏組麀受命衝冠怒髮惆悵賢臣顧瞻城闕利

劍不抽青槐先絕

文苑英華七百八十

蔡澤就唐生相

蔡澤羈旅唐生決疑無勞神策不問靈龜富貴自取年壽須期雖

云異相會待逢時

藝文類聚七十五文苑英華七百八十

李陵蘇武別

李陵北去蘇武南旋歸驂欲動別馬將前河橋兩岸臨路悽然故

人此別知應幾年

文苑英華七百八十

樊噲見項王

樊噲將軍漢王車右不憚鋒刃何辭卮酒霸上屯軍鴻門固守持

謝范增唯留王斗

文苑英華七百八十

秦穆公飲盜駿馬

駿馬遇盜秦君不嗔先傾美酒翻畏傷人鄰兵向國窮寇侵秦于
時大盜還作功臣

蘇文類聚九十三文苑英華七百八十

延陵季子遇徐君

徐君有禮季子惟賢經過一遇如舊依然人非別後心許生前長
松雖合寶劍猶懸

文苑英華七百八十

鶴讚

武成二年春二月雙白鶴飛集上林園大將鄭偉布弋設置竝皆
禽獲六翮已摧雙心俱怨相顧哀鳴孤雄先絕孀妻向影天子怒
焉信奏事階墀立使爲讚

九皋遙集三山迴歸華亭別喚洛浦仙飛不防離繳先遭見鷁

類聚作合園

籠摧月羽弋碎霜衣塞傳餘號關承舊名南遊湘水東入

文苑

遼城雲飛欲舞露落先鳴大翻摧折九門嚴閉相顧哀鳴肝心斷

絕松上長悲琴中永別

藝文類聚九十文苑英華七百八十四

周使持節大將軍廣化郡開國公公乃敦崇傳

崇恆州代郡鼓城縣廣義鄉孝讓里人也昔壽丘建國賜姓者十

二人平陽舉賢登朝者十六族沉復大電繞樞流星入昴派分源

別幹其嗣興者乎魏道武皇帝曰命世雄圖飲馬河洛兄弟十人

分爲十姓辨風吹律曰氏即其一焉五代祖逸驃騎大將軍開府

儀同三司營丘郡開國公于時天道西北既稟謀謨馬首東南實

資匡贊因曰封名仍爲賜氏與夫南公伯即有連類宗則疑樂正

非無準則曾祖雙軌使持節驃騎大將軍司徒青兗二州刺史范

陽文昭公浴食之始上馬治國登庸之初昇槐論道生則絕席武

宮死則配祠清室夫人太原王氏三世爲將四代爲公社稷大宗

鐘鼎貴族伉儷是歸秦晉匹也祖提使持節衛將軍駙馬都督河

交二州刺史靈壽縣開國公、公子公孫聲名籍甚、增輝增耀、弱冠
昇朝、夫人清廉、郡長公主、孝文帝之第二女也、王姬有行、車服不
繫、故得衛青上將、張耳賢夫、父願使持節大都督徐州諸軍事、徐
州刺史平陽縣開國公、食邑四千戶、少年習象、多見兵書、澆沙聚
石之營、卻日橫雲之陣、彎弧則戟破小支、抽劍則泉飛枯井、夫人
宇文氏、周文皇帝之第三妹也、母儀令範、女師賢哲、德高隆慮、義
重河陽、魏受其終、周新其命、式墓封墳、追旌盛德、乃贈使持節大
將軍、廣化郡開國公、食邑一千戶、夫人贈安德郡長公主、遊魂冤
結、非無廣漠之城、久客思歸、唯有東平之樹、自永安已來、魏室大
壞、海水羣飛、天星亂動、禮樂征伐、不出于人主、舉賢誅暴、議在于
強臣、高丞相驅率風雲、奄荒齊晉、我舅氏文皇帝駕馭龍虎、據有
周秦、南北淪盟、東西敵怨、既而各受圖書、竝當珪璧、百姓則父南
子北、兄弟東西、事主則憂親、求生則慮禍、大周親戚、徧鍾塗炭、輸

之城旦下之織室、關河嚴隔三十餘年、天厭喪亂、人思反德、彼之風塵、旣靜函谷、此之冠蓋、屢涉漳濱、中山冤枉之餘、代郡凋殘之澤、竝遇革音、咸蒙禮送、崇賓兄弟二人、相看氣息、親愛凋零、方寸久亂、恆山殺嗣、豈望同飛、而安國徒中、鬱爲卿相、班超絕域、遂得生還、天和四年、至于新邑、朝廷召舅甥之國、外內之親、乃授賓使持節、驃騎大將軍、開府儀同三司、大都督、安樂縣、安國公、食邑一千戶、賓得免虎口、仍上龍門、聲價已高、風焱即遠、方欲討論國恥、伸雪家冤、橫尸原野、是所甘心、時不我與、先從朝露、春秋若干、衛國興文子之慟、長安有詔葬之悲、乃贈本官、加少傅、蒲虔勳三州諸軍事、蒲州刺史、呂天和六年某月日、葬于長安之洪瀆原、妻青州石氏、長城郡君、肩子孤榮、生妻嫠室、卽能有節、還成守義、崇蒙授使持節、大都督、驃騎大將軍、開府儀同三司、廣化縣、開國公、食邑一千戶、昆季二人、同年上將、彤廷交映、檠戟相臨、昔二馮同

德繼踵當官兩杜齊名夾河爲郡比斯榮寵彼將慙色俄然賓疾
奄捐館舍崇兄弟勝衣備殯禍酷同氣長養得及金人今者來歸
更連凶閔每一悲慟行路傷心撫養愛子情深馬援之慈恭事寡
嫂義甚顏含之孝天和六年授大將軍餘如故龍庭賞出塞之功
玉門勞旋師之寵異代同和見之今日建德二年授使持節都督
宜州諸軍事宜州刺史忽忽橫閣但有誦書曖曖重帷惟聞善政
清不置水明非舉燭乃是入境移風非直停車待雨有敕大將軍
宜州刺史廣化郡公崇自夏季無雨已迄于今雖靡神不禱仍未
降感知彼州內獨蒙滂澤諒由大將軍精誠所至憂念郡人豐稔
可希良已爲慰又敕廣化公崇知此存心政術治勤黎人受委稱
職嘉尚無已古人有言非行之難念加勉勸已致盡善指令宣納
抑操賜齊陳物如別宜諭朕懷昔陽平太守別降紅粟之恩荊州
刺史偏蒙袞衣之賜治績尤異此之謂平崇清淨爲政廉明爲法

人不忍背、更不忍欺、性不飲酒、無所嗜欲、深沈牆仞、喜慍不形、文
必正詞、絃惟雅曲、仁義禮節、是所用心、緹袂紉素、愛翫無已、當今
四郊多壘、尙有公卿之辱、鼓鼙不息、猶勞將帥之謀、語其讐恥、唯
願橫行死地、思其報國、不爰身膏原野、但今天假之年、時綏之福、
忠貞之事、公其取焉、略書梗槩、陳之直史、文苑英華七百九十二
擬連珠四十四首

蓋聞經天緯地之才、拔山超海之力、戰陣勇于風飄、謀謨出乎智
臆、斬長鯨之鱗、截飛虎之翼、是已一怒而諸侯懼、安居而天下息、
蓋聞蕭曹贊務、雄略所資、魯衛前驅、威風所假、是已黃池之會、可
已爭長、諸侯鴻溝之盟、可已中分天下、

蓋聞解封豕之結、塞長蛇之源、必須製裳千里、啗血轅門、是已開
百里之圍、用陳平之一策、盟千乘之國、須季路之一言、

蓋聞得賢斯在、不藉揮鋒、股肱良哉、無論應變、是已屈完參乘、諸

笑解方城之圖、干木爲臣、天下無西河之戰、

蓋聞邯鄲已危、徒思馬服、薊城去矣、空用荆軻、是曰竹杖扶危、不能止武擔之石、蘆灰縮水、不能救宣房之河、

蓋聞穴蟻銜泉、未知遠處、立禽巢幕、何能支久、是曰大廈旣焚、不可灑之呂淚、長河一決、不可障之呂手、

蓋聞膏唇喋喋、市井營營、或曰如賀自進、或曰狙詐相傾、是曰子貢使乎、五都交亂、張儀見用、六國縱橫、

蓋聞謀猷是習、權變須長、時增齊竈、或臥燕牆、是曰井陘之兵、如鴻毛之遇火、長平之卒、若秋草之中霜、

蓋聞彼黍離離、大夫有喪亂之感、麥秀漸漸、君子有去國之悲、是曰建章低昂、不得猶瞻灞岸、德陽淪沒、非復能臨偃師、

蓋聞市朝遷貿、山川悠遠、是曰狐兔所處、由來建始之宮、荆棘參天、昔日長洲之苑、

蓋聞天方薦瘥、喪亂弘多、空思說劍、徒聞枕戈、是日劉琨之英略、莫知自免、祖逖之慷慨、裁能渡河、

蓋聞穀林長遠、蒼梧不從、惟桐惟葛、無樹無封、是日隋珠日月、無益驪山之火、雀臺絃管、空望西陵之松、

蓋聞雷驚獸駭、電激風驅、陵歷關塞、枕跨江湖、是日城形月偃、陣氣雲鋪、非綠林之散卒、卽驪山之叛徒、

蓋聞死別長城、生離函谷、遼東寡婦之悲、代郡孀妻之哭、是日流慟所感、還崩杞梁之城、灑淚所沾、終變湘陵之竹、

蓋聞三世用兵、旣非貽厥、陰謀累葉、必曰凶終、是日李都尉之風、霜上蘭山、而箭盡、陸平原之意、氣登河橋、而路窮、

蓋聞營魂不反、燐火宵飛、時遭徹夜之兵、或斃空亭之鬼、是日射聲營之風雨、時有冤魂、廣莫郡之陰寒、偏多夜哭、

蓋聞江黃戎馬之微、鄴郢風飄之格、乍有去而不歸、或無期而遠、

各是呂章華之下必有思子之靈雲夢之傍應多望夫之后

蓋聞無怨生離恩情中絕空思出水之蓮無復迴風之雪是呂樓中對酒而綠珠前去帳裏悲歌而虞姬永別

蓋聞樹彼司牧既懸百姓之命及乎厭世復傾天下之心是呂一馬之奔無一毛而不動一舟之覆無一物而不沈

蓋聞嚴霜之零無所不肅長林之斃無所不標是呂楚塹旣填遊魚無託吳宮已火歸燕何巢

蓋聞名高八俊傷于閹豎之黨智周三傑斃于婦女之計是呂洪澤之蛟遂挫長飢之虎平皋之蟻能摧失水之龍

蓋聞吳艘蜀艇不能無水而浮呂紅閒綠不能無弦而射是呂樊籠之鶴寧有六翮之期駢骸之馬無復千金之價

蓋聞性靈屈折抑鬱不揚乍感無情或傷非類是呂嗟怨之水特結憤泉感哀之雲偏含愁氣

蓋聞遷移白羽、流徙房陵、離家析里、悽恨撫膺、是曰吳起之去西河、潸然出涕、荆軻之別燕市、悲不自勝、

蓋聞廉將軍之客館、翟廷尉之高門、盈虛倏忽、貴賤何論、是曰平生故人、灌夫不去、門下賓客、任安獨存、

蓋聞執珪事楚、博士畱秦、晉陽思歸之客、臨淄羈旅之臣、是曰親友會同、不妨懷撫悽愴、山河離異、不妨風月關人、

蓋聞五十之年、壯情久歇、憂能傷人、故其哀矣、是曰譬之交讓、實半死而言生、如彼梧桐、雖殘生而猶死、

蓋聞秋之爲氣、惆悵自憐、耿恭之悲、疏勒班超之念、酒泉是曰韓非客秦、避讒無路、信陵在趙、思歸有年、

蓋聞懸鵠百結、知命不憂、十日一炊、無時何恥、是曰素王之業、乃東門之貧民、孤竹之君、實西山之餓士、

蓋聞胷中無學、猶手中無錢、今之學也、未見能賢、是曰扶風之高

鳳無故棄麥、中牟之甯越、徒勞不眠、

蓋聞十室之邑、忠信在焉、五步之內、芬芳可錄、是曰日南枯蚌、猗含明月之珠、龍門死樹、尚抱咸池之曲、

蓋聞百尺之高、累于九碁之上、千鈞之重、懸于一木之枝、是曰履虎尾而非險、傷龍鱗而未危、

蓋聞居蘭處鮑、在其所習、白羽素絲、隨其所染、是曰金性雖質、處劍卽凶、水德雖平、經風卽險、

蓋聞豫章七年、斃于豐草、芳蘭九畹、淪于幽谷、是曰欲求其真、晉陽有自理之蒿、若賞其聲、吳亭有已枯之竹、

蓋聞明鏡蒸食、未爲得所、干將補履、尤可傷嗟、是曰氣足凌雲、不應止爲武騎、才堪王佐、不應直放長沙、

蓋聞勢之所歸、威之所假、必能繫風捕影、暴虎馮河、是曰輕則鴻毛、沈水重則磐石、陵波、

蓋聞意氣難干、非資扛鼎、風神自勇、無待翹關、是已曹劌登壇、汝陽之田、遽反、相如睨柱、連城之壁、更還、

蓋聞卷施不死、誰必有心、甘蕉自長、故知無節、是已螺蚌得路、恐異躡淵、雀鼠同歸、應非丹穴、

蓋聞北邙之高、魏君不能削、穀洛之關、周王不能改、是已愚公何德、遂荷鍤而移山、精衛何禽、欲銜石而塞海、

蓋聞君子無其道、則不能有其財、忘其貧、則不能恥其食、是已顏回瓢飲、賢慶封之玉杯、子思銀珮、美虞公之垂棘、

蓋聞水之激也、實濁其源、木之蠹也、將拔其根、是已延年之家、豫論埽墓、羊舌之族、先知滅門、

蓋聞磨礪唇吻、脂膏齒牙、陵風扇毒、向影吹沙、是已敬而遠之、豺有五子、吁可畏也、鬼有一車、

蓋聞虛舟不忤、令德無虞、忠信爲琴瑟、仁義爲庖廚、是已從莊生

則萬物自細、歸老氏則罪有皆無、

蓋聞三關頓足、長城垂翅、既羈既旅、非才非智、是曰烏江、飛檝知無路可歸、白雁抱書、定無家可寄、

文苑英華七百七十一

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後周文卷十一終

全後周文卷十二

烏程嚴可均校輯

庾信五

秦州天水郡麥積崖佛龕銘

庾信序

麥積崖者乃隴底之名山河西之靈岳高峰尋雲深谷無量方之
鷲嶺迹遁三禪譬彼鶴鳴虛飛六甲鳥道乍窮羊腸或斷雲如鵬
翼忽已垂天樹若桂華翻能拂日是已飛錫遙來度杯遠至疏山
鑿洞鬱爲淨土拜燈王于石室乃假馭風禮花首于山龕方資控
鶴大都督李允信者藉以宿植深悟法門乃于壁之南崖梯雲鑿
道奉爲亡父造七佛龕似刻浮檀如攻水玉從容滿月照曜青蓮
影現須彌香閭切利如斯塵野還開說法之堂猶彼香山更對安
居之佛昔者如來追福有報恩之經菩薩去家有思親之供敢緣
斯義乃作銘曰

鎮地鬱盤基乾峻極石關十上銅梁九息百仞崖橫千尋松直陰
兔假道陽鳥迴翼載輦疏山穿龕架嶺糾紛星漢迴旋光景壁累
經文龕重佛影彫輪月殿刻鏡花堂橫鐫石壁閭鑿山梁雷乘法
鼓樹積天香嗽泉珉谷吹塵石牀集靈眞館藏仙冊府芝洞秋房
檀林春乳冰谷銀沙山樓石柱異嶺共雲同峰別雨冀城餘俗河
西舊風水聲幽咽山勢崆峒法雲常住慧日無窮方域芥盡不變

天宮

文苑英華七百八十五

終南山義谷銘

并序

周保定二年歲次壬午七月己巳朔大冢宰晉國公命鑿石開谷
文苑英華作關之谷下南山之材維公匡濟彝倫弘敷庶績變理餘暇披閱
山經已爲終南敦物日月虧蔽杕幹栝柏倚桐梓漆年代蘊積于
何不有乃謀山澤之官兼列文苑英華作引衡虞之匠東出藍田則控灞
乘漣西連子午則據涇浮渭派別八溪流分九谷銅梁四柱石闕

雙聳

文苑英華作石閣雙啟

青綺春門溝渠交映綠槐秋市舟楫相通蓄之

則爲屯雲泄之則爲行雨青牛文梓白鶴貞松運昌冥宮崇斯雲

屋

初學記作裁其梓匠此從文苑英華

千櫺抗殿龍首千雲萬頃疏苗蟬鳴再熟川

后讓德山露景從豈知運石甘泉纔通櫟陽之殿穿渠穀水直繞

金塘之城將事未勞爲功寶重國富人殷方傳千載因功立事敢

勒山阿銘曰

寥廓上浮崢嶸下鎮立壁千丈橫峰萬仞

文苑英華作直立千丈峰橫萬仞

桂月

危懸風泉虛韻乘輿嶺阪舉鋪雲根八溪分注尤谷通源北涵桐

井南浮石門撲象大狀

撰一作模初學記作橫鴻大河

銀繩百堵膠葛九成

銀作規

徘徊千柱桂棟淩波梅梁垂兩疏川翦谷

膠作交落實摧柯事均刊木功侔鑿河

初學記五文苑英華七百八十七

玉帳山銘

玉帳寥廓崑山抵鵲總葉成帷連雲起幕玉策難移金花不落隱

士彈琴、仙人看博巖、甌舊鼎、雲上新荆、熒石初爛、燒丹欲成、桑田

屢變、海水頻盈、長聞鳳曲、永聽簫聲、

文苑英華七百八十七又見
蘇文類聚七言爲庾肩吾作

吹臺山銘

江寧吹嶺、雖山出筠、春簫下鳳、此岫爲眞、青槐避日、朱草司晨、石
名新婦、樓學仙人、中字玉成、南君姓秦、一作吳中
字秦比花依樹、登
榭要春、舞能留客、聲便度新、雕梁數振、無復輕塵、文苑英華七
百八十八

望美人山銘

高唐礙石、洛浦無舟、何處相望、山邊一樓、峰因五婦、石是三侯、嶮
踰地肺、危陵天柱、禁苑斜通、春人常聚、樹裏聞歌、枝中見舞、恰對
妝臺、諸牕盡開、斜看已識、直喚便迴、豈同織女、非秋不來、文苑英
華七百

八十七又見蘇文類
聚七言爲徐陵作

至仁山銘

峰橫鶴嶺、水學龍津、瑞雲一片、仙童兩人、三秋雲薄、九日寒新、眞

花霄落畫樹常春橫石臨砌飛簷枕嶺壁繞藤苗窗銜竹影菊落
秋潭桐疏寒井仁者可樂將由愛靖文苑英華七百八十七

明月山銘

竹亭標嶽四面臨虛山危簷迴葉落窗疏看椽有笛對樹無風風
生石洞雲出山根霜朝唳鶴秋夜鳴猿堤梁侶堰野路疑村船橫
壑下樹俠津門窻殊華蓋詎識桃源文苑英華七百八十七

梁東宮行雨山銘

山名行雨地異陽臺春人無數神女羞文苑英華來翠幔朝開新妝

旦起樹入牀前山文苑英華來鏡裏草色文苑英華衫同花紅面侶

開年寒盡正月遊春俱除錦帔併脫紅綸天絲劇藕蝶粉多文苑英華

生塵橫藤礙路垂柳係人文苑英華作誰論洛水文苑英華作一

箇河神文苑英華七百八十七

刀銘三首

風伯吹鑪，雲師煉冶，鐵燄朝流，金精夜下，價重十城，名高千馬。

千金穎合，百鍊鋒成，光連斗氣，燄動山精，身文水動，刃古珠生。

斗精遙降，山靈下從，水文千曲，蛇鱗百重，燕砥斂刃，蜀水開鋒，氣

生分景，環成屈龍。

並文苑英華七百八十九

思舊銘

歲在攝提，星居鶉首。

文苑英華作監德

梁故觀靈侯蕭永卒，嗚呼哀哉！人

之戚。

文苑英華作賊

也。既非金石所移，士之悲也。寧有春秋之異，高臺已

傾，稷下有聞琴之泣。壯士一去，燕南有擊筑之悲。項羽之晨起，帳

中，李陵之徘徊岐路。韓王孫之質趙，楚公子之畱秦。無假窮秋于

時悲矣。況復魚飛武庫，豫有棄甲之徵；鳥伏翟泉，先見橫流之兆。

文苑英華作肇

星紀吳亡，庚辰楚滅。紀侯大去，郢子無歸。原隰載馳，轅轅

長別，甲裳失矣。餘皇棄駕，河傾酸臞。杞梓與檣櫟俱沈。

文苑英華作流

海淺蓬萊，魚鼈共蛟龍並盡。

文苑英華作與蛟龍共盡

焚香複道，詎斂冤魂。

文苑英華

作興香復道
詎假遊魂

載酒屬車，靈消秘氣，芝蘭蕭艾之秋，形殊而共瘼，羽

毛鱗介之怨，聲異而俱哀，所謂天乎，乃曰蒼蒼之氣，所謂地乎，其

質搏搏之土，怨之徒也，何能感焉，彫殘殺嗣，無所假于風飄零落

春枯，不足頌于霜露，幕府昔開，賢俊翹首，爲羈終歲，門人謝焉，至

子東首告辭，西陵長往，山陽車馬，永別

文苑英華
作望制

郊門，潁川賓客

遙悲松路

文苑英華
作悠路

嵇叔夜之山廬

文苑英華
作盧

尙多楊柳，王子猷之

舊徑，唯餘竹林，王孫葬地，方爲長樂之宮，烈士埋魂，卽是將軍之

墓，昔嘗歡宴，風月畱連，追憶平生，宛然心目，及乎垂翅秦川，關河

羈旅，降于悲谷之景，實有憂生之情，美酒酌焉，猶思建業之水，鳴

琴在操，終思華亭之鶴，重爲此別，嗚呼甚哉，麟亡星落，月死珠傷

瓶罄罍恥，芝焚蕙歎，所冀

文苑英華
作望

鍾沈德水，聲出風雲，劍沒豐城

氣連

文苑英華
作存

牛斗，潸然思舊，乃作銘曰

風雲上慘，舟壑潛移，駸駸霜露，君子先危，紀侯大去，懷王不返，玉

樹長埋風流遂遠荀卿

文苑英華作伯

舊縣慶封餘邑萬里歸魂脩門詎

入城

文苑英華作墳

橫武庫山枕盧龍思歸道遠返葬無從徒畱送雁空

靡長松

文苑英華作墳

平陵之東無復梧桐松聲肅瑟長起秋風疇昔隆貴慘舒

文苑英華作提攜

語默託情嵇琴

文苑英華作阮

風雲相得有酒如澠終溫且克

朝陽落鳳大野傷麟佳城鬱鬱流寓于秦山陽相送唯餘故人婦

機發緯獨鶴

文苑英華作鳳

孤鸞聞深夜靜風高月寒生平已矣懷舊何

期匣中絃斷

文苑英華作絕

鄰人笛悲昔爲幕府今成總帳文苑英華作絕

華七百九十

溫湯碑

咸池浴日先應絲甲之圖砥柱浮天始受玄夷之命仁則滌蕩埃氛義則激揚清濁勇則負山餘力弱則鴻毛不勝伸存則榆莢同流三月則桃花共下其色變者流爲五雲之漿其味美者結爲三危之露煙青于銅浦色白于鉛溪非神鼎而長浮異龍池而獨浦

灑胃膾腸興、羸起瘠、秦皇餘石、仍爲雁齒之階、漢武舊陶卽用魚
鱗之瓦、山開湧水、實表忠誠、室內江流、彌彰純孝、豈若醴泉消疾、
聞平建武之朝、神水蠲痼、在乎咸康之世、嵩山三仙之館、不孤擅
于天池、華陰百丈之泉、豈獨高于蓮井、藝文類聚九
初學記七

陝州弘農郡五張寺經藏碑

蓋聞如來說法、萬萬恆沙、菩薩轉輪、生生世界、豈直優波提舍祇
夜脩多而已哉、是已熙連禪河、質多羅樹、七處八會、三清四說、皮
紙骨筆、木葉山花、象負之所未勝、龍藏之所不盡、雖復銀函東度、
金甌南翻、秦景遙傳、竺蘭私記、譬猶得海水之一珠、不下崑山之
片玉、若夫法雲深藏、師子雷音、梵志往生、聲聞說戒、雪山羅漢之
論、驚嶺菩提之法、本無極際、何可勝言、弘農五張寺者、南陽張元
高寓居此地、昔者千金之族、見徙五陵、大姓之民、移家六郡、蓋其
流也、元高五子、負荷遺訓、離經辨志、竝是成名、入室生光、咸能顯

德、加、呂尊承慧業、敬受法門、兄弟同居、共捨爲寺、伽藍肇建、卽呂五張爲名、是知城居趙信、仍名趙信之城、殿入蕭何、卽號蕭何之殿、加、呂象馬無慘、衣裘是捨、春園柳路、變入禪林、蠶月桑津、迴成定水、平輿雖盛、豈可獨擅二龍、扶風最良、不得專稱五馬、寺主三藏大法師法映、邑主洛州刺史張隆、筭財行法、德身心罄竭、兼化鄉邑、道俗數千、敬造一功德輪、見成三百餘部、雷篆雲書、金繩玉檢、削蒸栗之簡、裝酸棗之珠、竝入香城、咸封禪閣、坐堂伏檻、羌非湘水之神、綠房紫的、足擬恭王之殿、高掌西望、長河北臨、鼎氣常浮、爐煙咸起、戶牖寥廓、吹萬龍門之風、梁棟崢嶸、落客河源之樹、僧徒雲集、不遠敦煌之城、學侶相奔、更合華陰之市、兩陝昔分、實基王化、二陵今阻、翻馳羽檄、虞公屈產、交亂風塵、召伯甘棠、凋零雨露、雖復兼能共治、未遣渡河之獸、烽柝是警、實擾移關之民、是日、法王御世、天人論道、汲引四流、周圓五怖、故能調伏怨憎、消除

結縛法水津梁得無砥柱之難香山轍迹非復終南之險天子命
我試守此邦墨竈未黔孔席無暖纔臨都尉之境卽有樓船之役
旣而南風不競北道言旋幕府旣閒邦君且止鄉俗耆老依然此
別屬茲法事須臾制文聊以課虛爲銘云爾

舍衛之國祇洹之園三明極地八會窮源連河競說勝辯爭論波
提東度祇夜南翻非空卽色離有無言達人止是獨悟重昏身雖
繫鳥心避騰猿禪樓卻月義股翔鵠迴風香蓋反露珠幡西臨砥
柱東背輶轅河鳴陽破山響蘇門翔禽歌轉流澗絃喧度河餘獸
移關舊村昔爲畿服今成塞垣城疑廣武地侑樓煩燿烽竝照象
馬單奔無鍾襲苒有兩圍原不資十方誰釋三怨風傾地柱火及
天元銀鉤永固金牒長存封君馬首方事南蕃言從楊僕請謝劉

昆

文苑英華
八百五十

周上柱國齊王憲神道碑

昔者軒皇受姓十有四人周室先封十有五國自爾承基纂畀保
姓受氏雖復千年一聖終是百世同宗故知昔之東京既稱大漢
再受今之周祿卽是鄴都中興公諱憲字毗賀突恆州武川人也
晉太康之世據有黃龍魏孝昌之初奄荒立菟太祖百二諸侯
三分天下函谷先登鴻溝大定功業如此人臣已終公含章天挺
命世誕生降太一之神下文昌之宿珠角擅奇山庭表德儀範清
浴風神軒舉聳動廊廟光華城闕未逾剡趾已議論天下事人或
曰是謂弱木一枝旁蔭數國長河一直自然千里風颿欲遠光景
將昇後魏二年封涪城縣開國公時年五歲也虹蜺滿野是廢常
途之高鸞鸞鳴岐實始維新之命國家光宅受圖欽明秉祿大風
初卷長沙始封周元年進爵安城郡公食邑二千戶仍授使持節
驃騎大將軍開府儀同三司開府同于馬駁秩擬六卿驃騎等千
劉蒼位高三事宗子維城彼多慙色武城二年授使持節大將軍

都督益壽寧等二十四州諸軍事益州刺史改封齊國公食邑萬戶公時年十有六王武子已上將開府未滿立年荀中郎爲十州都督才踰弱冠方之于公已爲老矣加復營丘負海齊桓公受脤之城岷山導江漢武帝求仙之地自非名陵孤竹聲振沈黎豈得南至穆陵西登積石幸無白虎之患寧待黃龍之盟卽笮畏威微盧仰德生爲立廟刻石頌功成都文翁之祀非謂生前漢陽有諸葛之碑止論身後比之今日豈可同年而語哉保定四年與大司馬蜀國公圍金墉城師臨洛瀘則廣武營奔兵上邳山則河橋路斷八川風俗五方名利鐵市銅街風飛塵起天和元年徵還行雍牧公日月之明威神其政漆沮旣從荆岐卽又少陽用事路不喘牛仲秋已殷民無驚水二年拜大司馬仍理小冢宰營室殿軍器太監天官已邦國爲基是司六典夏官已兵戈爲主專謀七德是已器械填委旣包吳漢之功宮殿崢嶸彌壯蕭何之法時已

白露涼風務閑農隙督兵三萬出自宣陽拔伏龍之城平姚萇之
 壘馬陵削樹魏將路窮平陰聽鳥齊師其遁天子冢弟禮絕羣公
 仁義所往事資道德建德元年進爵爲王仍拜大冢宰姬旦封于
 曲阜不廢居中劉交國于彭陽無妨常從豈直周召二南竝居師
 傅晉鄭兩國俱爲卿士而已哉匈奴突于武川權火通于瀚上公
 述職巡御治兵朔方馬邑星飛龍城月動撓留犁之酒經略不前
 失煙支之山下馬而去東鄰逆命反道敗德囚箕子于塞庫羈文
 王于玉門天子將有孟津之師召公獨議公報曰誕應天命克成
 厥勲昔者秦昭起師于蜀直問張儀晉武用兵于吳惟謀羊祜于
 是中軍無帥僉曰有歸五年拜上柱國元戎東討給王鐵騎二萬
 先襲太原斗建麾兵天離轉戰虎嘯風騰雲飛電掩林胡聚粟詎
 得充飢晉陽荻蒿何能拒防又加王精兵六萬長圍晉州然後六
 軍星陳萬騎雷動中權始及前茅已戰自爾卽爲前鋒橫行入鄴

觀彼車結槐本馬驚旋濫積甲高毘陽之城尸封塞富平之水莫
不如彼建瓴同斯破竹一朝指揮六合大定是用光照下武翼亮
中都足已攄祖宗之宿憤解生民之怨望方當待彼石閭部斯五
鼓經緯天地光華日月旣而赤烏夾日黃熊入寢實沈無祀桑林
不祭宣政元年六月二十八日薨春秋三十有四季友之亡魯可
知矣齊喪子雅姜其危哉公器宇淹曠風神透遠璣鏡照林山河
容納置鐫待酌懸鍾聽扣聲動天下光照四鄰武皇帝曰介弟懿
親特重愛友而密謀奇策加禮敬焉常謂左右曰孔子云自吾有
回門人日親其齊王之謂也用之作宰則萬方協和用之撫軍則
四表懾伏豈直皋繇爲士國無不仁隨會爲卿民無羣盜愛翫書
籍敦崇禮樂管絃入耳則溪谷俱調文雅治心則煙霞竝韻養由
百發落雁吟後應奉五行綈緇縹帙雍容舉止抑揚談論當世已
爲楷模縉紳已爲軌範則少有壯志頗校兵書玄水降靈穀城受

策飛風長柳月角星釐莫不吟誦在心撰成于手所著兵法凡有五卷六韜九法不用吳起舊書三令五申無勞孫武先誠可謂有忠孝焉有壯武焉不自驕矜謙光下物宋人獻玉不貪爲寶伯成子高守仁爲富不謂曰信致欺爲善非樂天年不享嗚呼哀哉已某年月日葬于石安縣洪瀆川之里原隰悽愴埋于盛德幾年丘陵搖落蘊于才良永矣乃爲銘曰

悠哉朔方逖矣窮陰山連鳥道地盡龜林重黎業大伯翳功深胃其積德必有君臨大祖撥亂喪君有君功迴地軸策動天文猶臨赤水尙覆黃雲諸侯八百天下三分公之挺生實惟天假翠微神降文昌星下照于四國充于兩社舟楫江河棟梁華夏水涵詞鋒風飛文雅純深之性地極天經忠貞之道事感百靈君親惟一臣子惟靈忠泉出井孝笋生庭乃宰天官爲國之輔是居上將爲天之柱乃聖乃神惟文惟武策高開闢威移雲雨九宮神略三術謨

明天離轉陣、月德迴兵、黎陽水駭、官渡山驚、冀州既蕞、東原既平、
淇波欲運、弱木將危、中峰岳斷、半海鵬垂、鳳沈丹穴、龍亡黑陂、臨
淄廢市、東武山移、千齡萬古、英聲在斯、文苑英華
八百九十

賜進士出身一品銜廣東等處提刑按察使司按察使兼管驛傳事務高岡王毓藻校刊

全後周文卷十二終

全後周文卷十三

烏程嚴

庾信六

周太子太保步陸逞神道碑

公諱逞字季明本姓陸吳郡人也君子至止旣紹虞賓鳳凰于飛
實興齊國南越使者解漢帝之衣西陵將軍覆吳王之蓋曾祖載
爲宋王司馬留鎮關中赫連之亂仗劍魏室黃河參陵或亡追路
烏江艤船更無歸迹今爲河南洛陽人也高祖冠軍將軍榮州刺
史吳人有降附者悉領爲別軍自是官師擁鐸更爲吳越之兵君
子習流別有樓船之陣父政驍騎大將軍儀同三司恆州刺史中
都獻公太祖扶危濟傾經綸夷阻報君之恥遠襲平原已高平霸
業所基委命畱事關中餽食非直滎陽之餽河內供軍豈但淇園
之竹公秉照晉之靈降明神之德猛虎振檻七年不驚羝羊觸藩

九齡能對諸兄。曰公先君愛子。稱之曰仁。推而襲封。雖復季末。大

成之心。守節

疑有闕誤

既遭燬穴。翻從歷紐。太祖初封函谷。始合諸侯。

曰公詞令參謀機密。故得戎政克宣。師言無滅。賜姓步陸孤氏。委

鹿輅而論都。入鴻門而舞劍。方之吹律。綽有餘榮。出身羽林。監輕

車將軍。除尚書右丞。官聯會計。務殷平準。水衡貫朽。常平粟紅。授

使持節車騎大將軍。儀同三司。增邑千戶。尋遷駕部中大夫。領兵

部中大夫。領蕃部。東京鼎食。先加鄧騭之勳。西晉官人。多用山濤

之啟。豈若五王登朝。必司賓主之禮。六龍御轡。取定鸞和之節。御

正。曰官觸父名。不拜。會稽有王會之名。其子不爲太守。博陵有王

沈之封。其兒不爲刺史。遷驃騎大將軍。開府。入掌納言。治司宗伯。

又爲軍司馬。職居常伯。勤問于南宮。位管王言。連官于北斗。豈止

郊天祀地。龍門嶰谷之聲。贊鼓頒旗。白露涼風之月。闇夜有人。餉

羅數十匹。公閉門不受。行人干觸其。曰聞奏。朝野稱之。大尉揚震

直推故吏之金、涼州張奐、高岸充人之馬、清畏人知、我無慙德、齊國通和、封人受使、呂公有出境之才、見命張旌之禮、既珠盤歃血、定楚國之連名、匕首登壇、反齊人之侵地、是謂使乎、固稱光國、三輔公侯、五陵鍾鼎、銅街柳市、塵起風飛、乃授京兆尹、增邑通前一千六百戶、餘官如故、上林兵息、蘭池盜靜、不學王陽平生鑄金之術、未同張敞終日章臺之遊、家僮暮行、還得遺錢于道、并白紵十匹、公訪得其主、卽召還之、見金于路、指以示人、得錢于道、留持挂樹方之、今日異代同風、俄遷司會、治小司馬、重總六軍、再操八柄、考績入于歲成、論功書之年表、華授都督、宜州諸軍事、宜州刺史、露冕觀風、停車待雨、百城解印、憚朱穆之威、千里相迎、受王基之德、曾未朞月、被敕追還、眷眷吏民、不無河內之請、依依故老、實念黎陽之別、少陽養德、前星守器、尊師讓齒、必俟賢能、乃授太子太保、方之劉寔、道高于大邦、譬呂山濤、榮深于小輩、本有消渴之疾、

常餽金石自理舊疾微增奄捐館舍茂陵之下不畱封禪之書校尉之營惟餘服食之器嗚呼哀哉春秋四十有七建德二年五月十一日也天子曰大臣之喪躬輟聽訟東朝曰師傅之尊親臨攢祭詔贈某官諡某公禮也己今三年正月十日葬于京兆之高陽原夫人郁久閼西遇王姬愛敬肅恭言容令淑有聞箴黻無廢紘綖爰在盛年先從大夜今節婦開墳松柏已拱季孫成寢丘陵始同況復圖畫賢妃方在甘泉之室瘞埋才子卽用高陽之原公儀表外明風神內照器量深沈階基不測事君惟忠事親惟孝言爲世範行爲士則畱連墳索悃悃文詞霜府錄于尙書天官總于司會出入匡贊常帶數職身具六龜腰恆四綬陳平密謀既非天子所見苟或上策又非諸侯所聞其爲郡也惟取赤土封書其爲州也唯曰青鹽換粟畱家則千樹無資遺子則一經而已嫡子操至性過禮純孝不遺墳前之樹梁淚者先枯庭際之禽聞悲者則下

銘曰

山連目觀水枕旗機富春沙起間陽柱飛大夫屈節將軍振威南
越受史西陵解圍昔我烈祖垂翅秦中白馬無路烏江不通笛吟
鄉里琴哀土風營州恆州擁旄世載壯節旃鈴人雄關塞直河穿
趙平雲臨代生謂立功沒爲甯愛降茲岳嶺誕此貞明祥符雲氣
慶合星精宮帷定策殿柱書名忠泉暗瀨孝筭寒生世屬殷周時
逢楚漢天下三分鴻溝一半曰我明略來參匡贊日乃再中天成
兩旦遽參三事歷副六卿天師光宅地載謨明春官定禮夏官治
兵識言默識溫樹無名謙恭周密言行無乖忠公兕殲陰德虵埋
軍國紛總部領填階馬不人廢金不人懷具瞻惟德高山惟仰甲
觀初登龍樓初上東國相榮西京疏廣年齡俄頃風電相推銘旌
兩沒池柳雙迴幾焚片子御衣銜哀身彰野火心懼天雷日月其
除榮終哀始馬歸司隸書還太史麻對天星墳連地市山勢接飛

松形蓋起德音無絕平原忽矣

文苑英華九百

周大將軍崔說神道碑

周書作崔說

公諱說字某博陵郡安平縣人也昔者華陽之野降龍首之神烈山之都啟龜文之繇匡周則盟津有會佐夏則龍門始鑿西遊則起家秦相東入則載世齊卿備乎史籍可得言矣祖辨中軍將軍定州刺史父楷鎮北將軍司馬烈侯竝膺風霜俱張鋒穎郎史曹迹官曹懷然是謂鮑恢都官百城振懼葛豐握節京師斂手公特稟英靈偏鍾山岳雄姿俊茂睂目疏朗觀虎于檻韶髮不驚稱象于舩勝衣能對至于拉虎驅熊摧班碎掌忘歸繁弱落雁吟猿故得氣蓋關中威申河外解褐領軍府錄事轉諮議參軍時當塗失御政在權門始論函谷之兵卽起韓陵之戰太師賀拔勝作牧西荆公爲假節冠軍將軍防城都督大疑疑作南陽失守卷甲奔梁樂殺羈旅猶思燕路陳軫懷憤終戀秦聲幸直和鄰言歸舊國授衛

將軍都督封安昌縣開國子食邑三百戶弘農寇復沙苑揮鋒進
爵爲侯增邑并前一千一百戶信珪則更受司勳穀璧則還輸典
瑞鐵馬有河橋之戰戈船有汾水之兵除京兆太守移民下邑未
學邊韶走馬章臺不同張敞遷帥都督持節撫軍通直散騎常侍
大都督尋遷使持節車騎大將軍儀同三司都官尙書定州大中
正五曹奏事有朱穆之忠九品論人見楊喬之直改封安國縣侯
益邑合前一千四百戶賜姓宇文改名爲說漢王改嬰敬之族事
重論都魏后變程昱之名恩深捧日遷驃騎大將軍開府儀同三
司加侍中寶憲連官單于之寶開可致張寬固位渭橋之流星可
識攻木七工旣掌丘陵之賦司會六典乃均邦國之財居官得人
于斯爲盛進爵爲公改封萬年縣通前二千四百戶除隴州刺史
都督隴州諸軍事隴坻路遙秦川望遠邵仲華之不去馬文淵之
願歸尋除涼州刺史總督河西甘瓜諸軍事地似伏龍城如飛鳥

敦煌實錄宛在留襟玉門亭障無勞圖畫有馬如羊不曰入廐有金如粟不曰入懷柱國齊王今上之介弟翼行薄伐問罪河陽曰公爲行軍長史參謀帷幄中軍之司既舉魏絳上卿之佐實用荀林曰公方之差無慙德除使持節大將軍大都督崇德安義建忠九曲安樂三泉伏流周張平泉固安營通谷凡十三防禦熊和申三州黃蘆起谷王晏供超牽羊溫狐交河大嶺避雨木柵寺一十成諸軍崇德防主宜陽上地更有秦兵熊耳山前還逢積仗用是連營函谷獵騎黎陽威振兩河名陵三晉改封安平縣公淮陰一國韓信之故人戶牖萬家陳平之鄉里公此衣錦足爲逆類建德四年正月十日薨于長安之永貴里私第春秋六十有四詔贈敷延丹綏恆五州諸軍事敷州刺史諡曰莊公禮也卽日其年二月二十四日葬于京兆平原鄉之吉遷里北陵追遠大司馬有賜綬之恩西京贈行冠軍侯有詔葬之禮嗚呼哀哉世子儀同衍生事

曰禮死葬曰禮愛親有王祥之孝同氣有姜肱之睦百行之本于斯備焉沉復松楸深沈既封青石之墓丘陵標榜須勒黃金之碑乃爲銘曰

華陽之神厲山之祖鳳野匡周龍門佐禹日浴溟池山浮海浦甫穆霸國營丘樂土脩斯宗邑承此壤土移封東武就君安陽中軍節目鎮北鋒芒商飈獵草電火驅霜公之輪奐繼體貞幹儀表丘墟風神牆岸孝有至德忠能匡贊不廢橫琴無妨敲案既班三事又貳六官衛青受詔韓信登壇長城馬廐廣武兵欄軍吏無犯營民不寒乃用六謀乃論三策城壘向背星辰主客劍起沈犀弓開伏石楚后讓盟秦君還璧百齡危胞千仞摧藏諸侯地裂邊將星亡輕車騎士玄甲黃腸社如齊地廟侶桐鄉銘功贊德碑闕相望

文苑英華
九百四

周大將軍司馬裔碑

公諱裔字遵胤河內溫人也昔顓頊之命始則南正司天重黎之後又曰羲和掌麻夏陽適晉得隨會而同奔東海避秦與毛公而俱隱其後金行受命玉笥南遷帝系極于興圖中朝至于江表曾祖楚之晉太傅錄尚書揚州牧會稽文孝王之次子元顯之幼弟也元顯見害之後桓立篡逆之初爰自齟齬客身屠釣河內道左抱劍長號代郡城前慟悲靈祭江淮志節之士汝穎風塵之客感激一言咸多依附既而雲生伏龜星出鯨魚太白經天蚩尤映野公乃收合餘燼泣血登埤臨武牢之關據成臯之坂擁眾萬家歸于魏室魏明元皇帝遙授平南大將軍荊州刺史襲封琅邪郡王尚河內公主命王承制從賓國之儀于時宋兵憑陵旗鼓侵逼虎牢不封金墉無援魏太武皇帝授王使持節侍中安南大將軍開府儀同三司給前後部鼓吹見城啟行志雪冤恥登壇慷慨三軍掩泣黃河漕粟已出石門白馬連旗將臨野坂既而雲中柝起代

郡烽燧反旆南轅遂窮北略昭征西大將軍都督梁益秦寧荆兗
青豫鄂洛十州諸軍事揚州牧司徒諡貞王祖金龍封琅邪鎮西
大將軍儀同三司吏部尚書贈司空諡康王父悅鎮南將軍豫州
刺史漁陽莊侯已判河刺舉時值亂離釁起蕭牆遂終非命公遺
腹載誕流離寇逆復壁繼負深山擁樹程嬰之匿趙武從役家臣
王成之藏李燮爲傭酒市遭太夫人憂苦草墳塋已終灰燼形骸
毀瘠逾于喪禮年十有五始幹家事楹前鑿柱卽取遺書石上開
松仍求故劍出身司徒府參軍除中堅將軍員外散騎常侍值魏
室多難所在蜂起孟津已北無復封畿嵩山已南卽爲鋒鏑公建
議脩武立柵溫城函谷西封河橋北斷長亭籍馬竝入武城百里
租車咸輸溫縣太祖文帝締構關都經綸夷阻招攜已禮懷遠已
德馬文淵之擇主去隴坻而歸身實周公之入朝在河西而奉詔
大統七年蒙授平東將軍北徐州刺史十年河內故義四千餘家

願立忠誠須公衣錦乃授使持節領河內太守加前將軍懷州拓境兩鎮奔波柳泉轉戰三城授首十三年太祖召山東諸立義之將能率眾入關者有加重賞公率先而至領戶千室卽已爲封固辭不受其菽粟之賜或已指國馬牛之賞將同量谷朝廷已華陽西極漢水東流歎孟達之奔兵怪劉封之失策魏前元年移鎮漢中除白馬城主領華陽郡守昔稱導漢今聞上澗烟沈冰井雨歇雲門其年授大都督加散騎常侍柱國蜀國公開金牛之道通牧馬之關公卷甲北塞懸車束馬遂得策預葭萌勳參綿竹封龍門縣開國子蒲州刺史仍領新州尋授使持節車騎大將軍儀同三司大中正隆周受圖天保大定已公才望仍爲舊臣遂乃義深追遠恩隆繼絕卽改封琅邪縣公邑五百戶仍遷驃騎大將軍開府儀同三司都督巴州諸軍事巴州刺史武成二年被敕赴援信州魚復道阻屢卻岑彭荆門水急幾沈吳興公乃月峽先登瞿唐直

上天子召公操履忠勤儀刑亮直乃徵爲大御伯尋轉大御正邑
一千一百戶樞機近侍出納絲言所謂多識舊章殿中無雙者矣
四年大將軍東討公所領義眾先守枳關授都督懷州諸軍事懷
州刺史偃師張墓河陽牧馬雖接戰于富平已連營于官渡五年
詔追還拜始州刺史更封信州賊山彰尋竇渝恃險峽路五尺絙
鈞纜通縣水三門橋飛濟渡旣而風行草偃谷靜山空前後平十
一城獲九千餘口馬歸平樂金輸水衡天保二年除信州刺史都
督信州諸軍事朝發白帝暮宿江陵氣振巴丘之兵威警建平之
戍五年遷潼州刺史益州柱國公降帝子之重鎮天井之星延閣
擬千叢臺岷山方于代郡公仰稟雄謀參謀遠略故得身預舞陽
之功位極長平之寵六年授使持節大將軍大都督西寧州諸軍
事西寧州刺史方欲關沫若微牂柯見夜郎之侯習昆彌之戰而
飛鳶墮水馬援去而無歸金馬騁光王褒行而不反嗚呼哀哉七

年正月十日薨春秋六十有五詔贈使持節大將軍懷邵汾晉四州諸軍事懷州刺史夫人襄城公主魏獻帝之曾孫趙穆王之季女王姬肅恭瑜翟典禮四教競莊三星令淑有光隆慮之賢足表平陽之盛生則從夫已秩死則同穴已禮建德元年八月十二日合葬于武功三時原大夫墓樹已柏諸侯墳高千雉吁嗟滕公來居此里詔諡定公禮也公資忠履孝蘊義懷仁直幹千尋澄波萬頃逢蒙射法力牧兵書星辰高下之占風雨逢迎之氣故得師出已律天幸將軍者也至如官曹案牘未常煩壅戎馬交馳不妨餘裕足使四岳彌峻三台更明在朝四十一年身經一百餘戰凡任四郡歷八州未嘗已貨殖經懷去如始至渭南千畝之竹更懼盈滿池陽二頃之田常思止足身歿之日家無餘財素車白馬狹室崎嶇黃腸立甲階庭仄陋有詔冬官爲營寢室朱邑祭醑無所漢后是已賜金陳表妻子露立吳王爲之開館嗚呼哀哉世子侃孝

家忠國揚名顯親是目勒此豐碑懼從陵谷殖之松柏不忍凋枯
銘曰

欽若厯象平秩寅賓少梁奔華地入咸秦族夷興馬書窮獲麟王
鏡云始金行乃構象浦通關龍沙開侯上穆后起河陽水關五馬
南浮三星東宿太傅作牧奄有江淹司徒避亂承制荆河既勞推
轂猶思枕戈龍媒被野蒼兕凌波莊侯季年禍機相接誕公遺嗣
崎嶇懷挾山竄趙武家藏李燮伍員道阻燕丹路遙南奔楚塞北
避秦橋水流登壠寒風度遼有功都護則重嫖姚懷書上馬習禮
從戎陣圖六甲兵占八風藏松寶劍射柳珣弓推誠賈復屈節廉
公八翼頻飛六條亟秉勇此仁義行茲寬猛持印山開沈黎盜靜
取甲無亡均田不井懋功賜爵上將賞官軍中受詔塞外登壇方
圖參合更鑒皋蘭渝山毒水變道災氛地亡都尉離悲使君谷寒
無日山空足雲北風吹旄秋霖泣軍遺奠雙設銘旌兩布泌水同

墳平陽合墓悲哀嗣子攀號靡訴慟甚風枝悲深霜露自此何世
從斯幾年麒麟欲闌華表中燃地形樓起松心蓋圓茫茫丘壠代

代英賢

文苑英華
九百四

周柱國大將軍拓跋儉神道碑

蓋聞放勛立而羲和昇重華登而元凱用思皇多士旣成西伯之
功俊德克明乃定南巢之伐是知惟賢非后弗食惟后非賢弗父
若夫君臣一德啟心沃心見之昌寧文公矣公諱儉字慶明恆州
高陸人也北岳天孫之星燕河帝子之國故多奇節甚茂華風高
闕圖南二王齊軫長城拔本十族分源高祖太尉北平王光輔五
君允釐百揆恆衛旣從淮沂其乂祖豹龍驤將軍恆州刺史常山
刺舉非無取代之符龍驤總戎或似平吳之號父叔羊止弱冠榮
終解印公曰五常蘊智六氣資德秉天則策馬秉靈降神則牽狼
應象直心于物水火恬然無負于天雷霆不懼富貴自取豈資唐

舉之言聲名有聞無勞李膺之議年十八解褐員外散騎侍郎尋授輕車將軍羽林監太祖文皇帝駕馭天綱苞羅英傑選公才德光佐中書諸葛亮之西歸玉璽成三分之業管夷吾之人仕葵丘有一匡之功天水黠羌漁陽羣盜乃還秦州刺史長史防城大都督封信都縣開國伯三年滑州蟻聚保障沈命靡旗亂轍乘冰渡河丞相大行臺授假節撫軍行滑州刺史大統元年授持節西夏州刺史加散騎常侍郅支抱馬如聞耿秉之戰單于願識似畏王商之威五年遷使持節鎮東將軍都督東北三夏州諸軍事西夏州刺史增邑千戶改伯爲公旣而江漢遼遠車書寂寞蜀主的顧未出檀溪之水秦王飛雉猶向南陽之城六年曰公爲使持節都督三荆二襄南雍平信江隨郢浙一十二州諸軍事荊州刺史東南道行臺僕射楚城鄰境實有讓田吳人對營無妨贈藥部內屬城爲人所訟公遂集文武肉袒自罰兄弟不讓延壽責躬吏民有

過翁歸引咎天子異之璽書勞問贈賄加幣王人接踵大丞相書云此之美事耳目之所未經歎尚無極故遣專使公善于撫馭長于接引山藪無棄苞苴不行示人赤心與人顏色盜不敢發民不忍欺至是將校耆老于州城之南起清德之樓勒賢臣之頌杜鎮南之作牧當世樹碑寶車騎之臨戎生年刻石方之今日彼獨何人于時戶口日增荒萊畢墾華實紛敷黔黎茂豫但恐亥職有關待公而補鼎飪未和須公而正是曰漢陰民望荆南杞梓竝皆上書詣闕連名乞畱河內之借寇伯更懇謁帝交州之請士燮還著土表九年授車騎大將軍儀同三司十二年除大行臺尚書仍爲大丞相司馬曰公識度嚴明志節清儉遂改公名儉字慶明非關書月詎待看碑幸得千畝不同二山無廢十三年加開府僚官如故十四年除尚書右僕射加侍中進驃騎大將軍居上屋執法在文昌之位曰公才望兼而有之十五年更除東南道行臺僕射都

督十五州諸軍事行荊州事十六年大丞相總十六軍巡清河洛
公又中分麾下參謀韓曜高選霸僚公爲長史其年加都督南道
三十六州諸軍事餘官如故南陽文舉更遇王基章華衣冠迎
郭賀昔日伐蜀之謀張儀與秦昭計合平吳之利羊祜與晉武意
同太祖始定成都卽有江陵之志公必獻其策懸符深旨糧運久
積梯衝立備一戰而舉鄢郢再戰而燒夷陵遂得席卷三荆此又
公之勲也詔賞奴婢三百口太祖與公書云由公立計果何所謀
公頃自鎮江陵曰安蜀地後魏二年改武川昌寧郡開國公歷陽
居民非唯景丹之封曲逆戶口豈但陳平之國其年授大將軍太
和之中曹真于府內受冊元封之末衛青于軍中卽拜公之此比
綽有餘榮詔曰吳人未復須助謀謀今使梁王兵馬受公節度三
年加都督東南道五十三州諸軍事增邑萬戶維周革命光宅欽
明作貳天官允諧邦治元年授小冢宰保定二年治蒲州刺史檢

校六防諸軍事四年治襄州仍授柱國大將軍餘官如故秩登四
岳階平六府豈不功重昭陽名高蔡賜控馭五十州風行數千里
拔園葵而去織婦無三惑而絕四知一室之中未免虛白日膳之
資三杯而已詔乃賜縑絲一千段粟麥二千斛天和元年陝州刺
史都督八州二十防諸軍事解荊州總管餘悉如故路出王官城
臨河曲戍清陝右高視棠陰部領宴煩晦明爲疾天和四年謝病
故京薨于私第春秋七十有八鑾蹕降臨軒懸輟樂九旒龍旂之
錫三河騎士之送詔贈太保涼夏靈銀長原河鄯甘瓜十州諸軍
事涼州刺史諡曰文公狀貌丘墟風神磊落玉山秀立喬松直上
烟霞之涯際莫尋江海之波瀾不測少遭荼苦在山服終攀柏樹
枯侵松獸死盡忠事國竭力從政其門如市其心若水奇策密謀
百僚仰止忠貞亮直明主敬焉至如風后陰陽之占力牧星辰之
度魏公子之兵書李將軍之射法莫不成誦在心取爲時用居常

服翫或曰布被松牀盤案之閒不過桑杯石鼎遺令山陵一無所用公私贈襚竝不得受止依太祖陵側無忘事君墩等兄弟竝至性善居喪號慕墳塋奉遵遺訓是曰衛青之塚仍陪漢武之陵管仲之墳卽接齊桓之墓天和六年天子曰四海未寧三方鼎峙有懷將帥之志言念封疆之臣旣畫雲臺乃題麟閣更贈公爲鄩國公邑五千戶追崇列辟事極神魂再改銘旌恩隆封墓公在民留愛身後見思吉日良辰郊祠野祭儀同趙迢等六百九十七人表求立廟陳請象魏有詔許焉桂棟杏梁綠墀青瑣案歌會舞鳳蓋霓裳南浦送而行雲東風颯而零雨是知漢陽郡前非徒武侯之廟臨淄城下豈獨樂公之社嗚呼哀哉乃爲銘曰

道鍾屯剝世屬雲雷地軸左轉天關北開客車周室繫馬秦臺乃齊七政爰荅三才烈祖燮諧九翼梁棟取才逢獵求賢入夢匡贊官雲謀猷紀鳳律定公族珪分職貢乃惟嗣德實秉英靈身圖斗

宿面繞樞星，青衿敬業童子離經，信陵虛左，干木分庭，忠孝純深，
樞機周密，孔光下言，曹參勿失，溫席扇枕，承顏悅膝，陳蒲魚驚，寒
林笋出，肅肅風政，沈沈器局，直似貞筠，溫如瑞玉，清不置水，明非
舉燭，馬願如羊，金須似粟，上將克昇，元戎卽序，夏陽三捷，夷陵一
舉，憑軾下齊，凌江入楚，鼎反厩室，鍾歸大呂，六卿咸事，天官是司，
二南作伯，棠陰實治，清風有頌，綠竹聞詩，贈行之冊，超然帝師，昔
侍蘭苑，今陪杏林，死生契闊，無違一心，風雲積慘，山障連陰，陵田
野寂，松逕寒深，夏嬰之隴，橋玄之墓，馬見千年，車回三步，左無長
樂，前非武庫，直望高碑，增悲行路，文苑英華
九百五

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後周文卷十三終